

## edison çeraj ngjyrosje / coloring

19 nëntor > 13 dhjetor 2020

Eventi i hapjes, 19 nëntor 2020 duke filluar nga ora 6  
në Gallery70 , Rruga Abdi Toptani, Toptani Shopping Center, Kati zero

### Ngjyrosje

Këto piktura janë pauzat ose tërheqjet e mia nga bota, nga koha e kalendarit dhe e orës, domethënë nga angazhimet e vazhdueshme, qoftë dhe pauzat e mia nga arti, sepse as artistikja nuk më ka interesuar në veçanti teksa hidhja ngjyra thjesht “për qejf”, kuturu, si një mënyrë për t’u shkëputur nga çfarë “duhet” të bëj.

Më shumë kam ngjyrosur sesa kam pikturuar – së këndejmi dhe titulli i këtij cikli. Thjesht jam ndierë i çliruar nga të pikturuarit apo nga angazhimi artistik dhe i jam dhënë pa ndonjë sforco ngjyrosjes, si një mënyrë e llojit të vet për të ritakuar fëmijën brenda vetes.

Është përtej fjalëve ky ritakim. Më e shumta që mund të them është se çdo gjë të duket lojë kur ngjyros, si në fëmijëri. Për pak çaste bota nuk është më e vranët, por me ngjyra, dhe të gjitha janë për ty. Kur fëmija ngjyros nuk synon të bëjë “art”, dhe kjo do të thotë shumë për mua.

Thuhet se “fëmijët pikturojnë bukur”, me siguri ngaqë janë imunë ndaj mendimit, ideve dhe koncepteve. Por, më pas rekrutohen në shkollë dhe fillojnë të uniformizohen për t’u pagëzuar si “qytetarë”. Ata pak veta që i mbijetojnë kësaj dhune shpirtërore njihen si artistë; jo se bëjnë ndonjë heroizëm – thjesht bëjnë detyrën ndaj vetes duke ruajtur njeriun nga “qytetari”.

Edhe unë përpiqem të çlirohem duke e “gënjyer” veten me këto piktura.

Kjo na kujton thënien e njohur të Picasso-s: “Çdo fëmijë është artist. Problemi është të mbetesh i tillë kur rritesh.”

Të gjithë fëmijët ngjyrosin, por më pas jo të gjithë pikturojnë.

Edison Çeraj

OVR:Coloring on **ARTSY**

Kerkesa per imazhe : [press@gallery70.art](mailto:press@gallery70.art)

 @gallery70

 @gallery70

[www.artsy.net/gallery-70](http://www.artsy.net/gallery-70)

